

卷頭語

莊子曰：「盜亦有道」，吾曰：「道亦有盜」，此意云何？俗贊佳賊，「殺富濟貧」，（殺作滅，損釋）是盜有道也，若借道而投貧濟富，故曰道有盜也。

吾教六度，布施為首，遇有艱困貧厄，義當量力周濟。詎近忽有一般青年，衣冠楚楚，或稱是某法師弟子，或言是某居士子弟，專向佛教團體，撞騙錢財。不曰路途被竊，即曰偶缺車資，暫借即還。得錢而去，輒見其銜雪茄，乘三輪，吃菜館，看電影，而樂其樂也。

佛教類多貧窶，身出數十百元，即須減口旬日。若輩則縱其嗜欲，一揮而盡，已是殺富濟貧。若輩論此，尚是小端。然受騙者，不止一人，一人受騙，不止十次，發覺以後，互以施借為誡，布施之門因塞，反使真困窮途者，無告無貸。推其禍源，是誰之咎？此種作風，直是殺盡貧人，而不見血，其陰毒貽害，寧堪言耶？

若輩既命佛從，或明點滴因果，且係伶俐青年，不難正當謀利，何苦借道行惡，專殺困窮。試思濟貧悲也，殺富則惡，故仍稱盜，至於濟富，猶非君子，更進殺貧，是盜不若也。奉勸發大慚愧，勇猛回頭，涅槃會上，放下屠刀，立有成就。否則因果不虛，噬臍再悔，恐無及矣。

李炳南

目錄

BODHEDRUM 菩提樹

Table listing articles and their authors, including 'Cover: Thailand gift to America', 'Buddhist Steps', 'Modern Buddhism', etc.

發行所：菩提樹雜誌社
社址：臺中市東區立德里和平街卅九號二樓
社長：李章嘉
發行人：朱炳南